

Language Canaanite language not Syriac 2

بموضوع المطالبة بتعليم السرياني بالمدارس،

انا مش ضد الفكرة لا بل بحبّا (وانا مسابقة ماروني).

ولكن اذا بدنا نحكي من باب الخروج من اللغة العربية كلغة فصحي ورسمية بالنسبة لنا، وانو ممكن نتعلّم (للعربية) مثل ما منتعلّم فرنساوي وانكليزي (مش انو لغتنا الام)،

لازم ننفّض لغتنا المحكية، يلي هي لغتنا الام، مثل ما عملو الاتراك مع اتاتورك، وتكون هي لغتنا الفصحى والرسمية، الى جانب العربي للمسلمين. بسويسرا في أربع لغات رسمية. هيك بتعمل الشعوب الراقية.

مشان هيك بدعيكن ترجعو تتنبّهو انو مع كل محبتي للسرياني وارثه،

مش هو لغتنا الام.

هو استعمل من قبل الموارد ليتورجيا وبعدان فصحي، بدل لغتن الام.

وبقيوا يحكو لغتن الام يلي وارتيانا من أجدادن الوثنيين،

وبعدنا عنحكيا.

شو هي هل لغا؟

واضح انو القواعد اللغوي تبع محكيتنا مش عربي ومش سرياني.

واوضحت العلوم الجينية والعلوم السوسولوجية انو كان في شعب بلبنان وماا انقرض. بعدو موجود.

قسم منو صار مسلم دين ودنيا ودخل امة / شعب / اتنية جديدة وبدو العربي كفصحى ورسمية رغم محيكتو يلي غير شي: مبروك عليه، عراحتو.

مثل واحد بيحكي ايطالي وبيكتب فرنساوي: مش بعاد كثير ومش زات الشي.

الباقي يلي ما أسلم بقي بالدين المسيحي وبالدينا الكنعانية (اي فينيقية وفق التسمية اليونانية) وصار مذهبيًا ماروني ورومي.

مثل ما اليوم محكيتنا بتشبه العربي ومن سميها عربي دارج،

هي بتشبه السرياني بمطرح كمان،

ولهيك منقول عن الفترة يلي كانوا المواردني يستعملو فيها اللغة السريانية كفصحى،

انو جدودنا كانوا يحكو سرياني.

بالتالي لغتنا المحكية، مواردنة وروم واسلام بلبنان، هي كنعانية.

المسيحية بس دين. مش دنيا. المواردني والروم بعدن بالنسبة للعلم كنعانيين. ولازم يرجعوا يوضحوا هالشي ويسترجعوا اسمن، مثل ما عملو الاشوريين. مين كان يقول اشوري بين ٦٠٠ ق م و ١٨٨٠؟

اليوم من قول اشوري عادي.

العلم اللغوي كمان حسم كنعانية لغتنا: بيكفي مراجعة القواميس الفينيقية والبنونية والأوغاريتية وبيين هالشي.

هلق زيادة اذا بدنا نحافظ عالسرياني، انا أكبيد بايد هالشي.

بس ما فينا نعملو لغة المسيحيين ونفرضو عالروم. روم المشرق استعملو السرياني لفترة اقل من ١٠٠ سني بالزمن الغابر (٤٠٠-٥٠٠ م.) وما بمثل شي الن.

بس بكرر أنا مع تعليم السرياني بالمدارس "المارونية" كلغة Optional كونها لغة حاملة تراث ماروني.

كل ما بقينا علميين كل ما ربنا.

لا ايدولوجيا ولا شي من قبيلو.

ارجو انو تفكرو فيا، وانا جاهز عالخاص لأي توضيح.